

流るなり小川なり後撰戀の歌に陽成院

筑波根の嶺より落るみなの川戀ぞつもりて淵と成ける

霞山 霞崎 霞の里 ひとつ所也

昨日まで染し氣色を引かへて明る霞の山ぞのどけき

ほのかにもえらせてしがな東なるかすみの浦の海士のもしほ火

足雄山 雫の森 御牧 戀瀬川

〔延喜式兵部十八〕諸國健兒略○中 常陸國二百人○中

諸國器仗略○中 常陸國征甲六領、横刀廿口、弓六十張、箭六十具、胡繚六十具

〔日本書紀持統十〕元年三月己卯以投化高麗五十六人居于常陸國賦田受稟使安生業

〔續日本紀聖武九〕神龜元年三月庚申定諸流配遠近之程略○中 常陸略○中 國爲遠

〔萬葉集東十四歌〕筑波禰乃爾比具波麻欲能伎奴波安禮杼伎美我家思志安夜爾伎保思母

或本歌曰多良知禰能又云安麻多伎保思母

筑波禰爾由伎可母布良留伊奈乎可母加奈思吉兒呂我爾努保佐流可母

右二首常陸國歌略○中

相聞

筑波禰乃爾呂爾可須美爲須宜可提爾伊伎豆久伎美乎爲禰氏夜良佐禰

伊毛我可度伊夜等保會吉奴都久波夜麻可久禮奴保刀爾蘇提婆布利氏奈

筑波禰爾可加奈久和之能禰乃未乎可奈岐和多里南牟安布登波奈思爾

筑波禰爾曾我比爾美由流安之保夜麻安志可流登我毛左禰見延奈久爾

筑波禰乃伊波毛等杼呂爾於都流美豆代爾毛多由良爾和家於毛波奈久爾